



算學綱目

八番
共
四拾
冊

乙
午
九





醫學綱目卷之三十九

小兒部



肺主燥 咳嗽 嗽膿血 喘 馬脾
風 悲哭 夜啼 瘡 鼻 龜胸

龜背 脫肛 肛痒

咳嗽


八九月嗽痰盛者宜下
嗽者肺感微寒，九月間肺氣大旺，病嗽者其病必實，非久病也。其症面赤痰盛身熱，法當以葶藶丸下之。若久者不可下也。

葶藶丸治乳食衝脾傷風咳嗽面赤痰盛身熱喘促

甜葶藶 去土隔 黑牽牛 微炒 漢防己

杏仁 去皮尖炒另研

右為末，研入杏膏，拌勻，蒸陳棗肉，和再搗為劑。丸如麻子大，每服五丸至七丸，淡生薑湯下。乳食後或臨夜服。



天
天保十四年卯正月十九日當直製之





天

天
地
人
物
四
大
皆
空

--	--	--	--	--	--	--	--

量兒加減

潔人參荆芥散治身熱痰嗽胸膈不利宜下痰去熱

人參兩

荆芥穗兩

大黃錢二

右為細末水煎調檳榔木香細末五分輕粉一字乳後服如身熱潮熱宜服清涼飲子去太黃三服之後一二日却入太黃服之令疎利則愈不可便動臟腑

冬月嗽有表者

錢十一月十二月嗽者乃傷風寒嗽也風寒從背第三推

肺腧穴入當以麻黃湯汗之有熱證面赤飲水痰熱咽喉不利者宜以甘桔湯兼治之若五七日其證身熱痰盛唾

粘加減三拗湯下之

麻黃

去根節三錢水

桂枝錢二

杏仁七箇去

黃芩

去根節三錢水

甘草

錢一

右為麤末入杏膏拌勻每服一錢水六分煎至四分去

香溫服無時以汗出為度量太小加減若自汗者不宜服之

百部丸治小兒肺寒壅嗽微喘有痰

百部

麻黃

杏仁

右為末熟棗子丸如皂子大溫水下二三九無時日三四服此本方也仲景加松子仁五十箇蜜丸更加胡桃

肉舍化大妙一方加甘草二錢

紫蘇子散治小兒咳逆上氣因乳哺無度內挾風冷傷於肺氣或小兒啼氣未定與乳飲之與氣相逆氣不得下

紫蘇子

訶子

杏仁

蘿蔔子

木香

人參

甘草

右為細末每服一錢水一盞生薑三片煎至五分去渣不拘時服量兒加減

肺盛

虛

有肺盛者，欬而後喘，面腫欲飲，水有不飲，水者其身即熱，以瀉白散瀉之。若傷寒咳嗽五七日無熱證，而但嗽者，亦葶藶丸主之。後用化痰藥，見瀉白散方。
有肺虛者，咳而硬氣長，出氣喉中有聲，此久病也。以阿膠散補之。痰盛者，先入脾，後以瀉銀丸微下之。涎退速即補肺。如上法，補肺法方見。

黃芪湯治小兒咳嗽喘逆，身熱鼻乾燥者，是熱入肺經，為客熱，呷呀有聲。

黃芪 兩

人參 二錢

地骨皮 錢五

桑白皮 錢三

甘草 二錢

右吹咀水煎，放溫頻服之。

海涎嗽四君子加杏仁桑白皮等分半夏麩減半同煎。咳嗽四君子末煎紫蘇湯調下。

咳嗽

肺之生病而成嗽，太抵秋冬則實，春夏則虛。更詳五臟兼見之證，以辨虛實。若實則面赤飲水，身熱痰涎盛，涕唾稠粘，咽乾不利，喘嗽面腫，吐食皆當先補脾，益黃散後瀉肝瀉青丸。若咯膿血是肺痿也，用清肺散治之。若虛則面白脫色，氣少不語，喉中有聲，唾痰清利，法當阿膠散補之。若亡津液用白朮散主之。

金治嗽大法盛即下之，久即補之，更量虛實以意加減。

瀉銀丸治風涎膈實，上熱及乳食不消，腹脹喘急。

巴菝 去油膜皮 心

水銀 五

黑鉛 二小半

妙結

麝香 另研 五分

好墨 火燒醋焯 研八分

右將巴菝末并墨再研，勻和入砂子，麝香陳米粥和，凡如葶藶火捻，瀉一歲兒一九三三歲二三九五歲已上五六九前薄苛湯放冷送下，不得化破，更量虛實加減。

膈實腹脹初下為實直

並食後服虛人先以盆黃散實肺後以此方下之後補肺方見嗽而吐痰涎方見乳食者白餅子下之方見

雜方

丹小兒痰嗽必用吐法詳見喘條

世白附丸治咳嗽有痰方見脾主濕門

勝金方治小兒咳嗽蜂房二兩淨洗去蜂窠及泥土以火燒為灰每服一字飯飲下

羅塗唇膏治襁褓小兒咳嗽吐乳久不愈石燕一味為末每用一捻蜜少許調塗兒唇上可三五次無時

診
錢杜氏子五歲自十一月病嗽至三月未止始得嗽而吐痰乃外風寒蓄入肺經令肺病嗽而吐痰風在肺中故也宜以麻黃散葶發散後用涼藥壓之即愈時醫與珠粉丸半夏丸漏銀丸諸法下之其肺即虛而嗽甚至春三月間

尚未愈為錢視之其候面青而光嗽而喘促哽氣又時時長出氣錢曰病困十已八九然所以面青而光者肝氣旺也春三月者肝之位肺衰之時也嗽者肺之病肺自十一月至三月肺即虛痿又胃下之脾肺子母俱虛復為肝所勝此為逆也故嗽而喘促哽氣長出氣也錢急與瀉青丸瀉之後與阿膠散實肺次日面青而不光錢又用補肺而嗽如前又與瀉肝末已而又加肺虛唇白如練錢曰此病必死不可治也何者肝大旺而肺虛絕肺病不得時而肝勝之今二瀉肝而肝病症不退三補肺而肺病尤虛此不久生故言死也此證病於秋者十救三四春夏者十難救果大喘而死

嗽膿血

肺虛熱
有喘而咯膿血者乃肺熱食後服甘桔湯久嗽者肺亡

津液阿膠散主之咳而痰實不甚喘而面赤飲水者可搗
銀丸下之阿膠散即補肺散方見前
虛實法補良丸方見前

其桔散

桔梗米泔浸一宿焙乾

甘草炒各二兩

右為細末每服一大錢水一大盞入阿膠半兩炮過煎

至五分食後溫服

海其桔湯仲景少陰咽痛藥也孫真人治肺癰吐膿血用

生甘草加減二十餘條

丹小兒咯血黑豆甘草陳皮煎服

錢段齋郎子四歲病嗽身熱吐痰數日而咯血前醫以桔

梗湯及防已丸治之不愈涎上攻吐喘不止請錢氏下扁

銀丸一大服復以補肺湯補肺散治之或問段氏子咯血

肺虛何以下之錢曰肺雖咯血有熱故也久則虛痿今涎

上潮而吐當下其涎若不生涎則不甚便蓋吐涎能虛又
生驚也痰實上攻亦能發搐故依法只宜先下痰而後補
脾肺必涎止而吐愈為順治也若先補其肺為逆耳此所
謂識病之輕重先後為治也

喘

喘而氣
少為肺
虛

膠肺虛則喘而少氣生益黃散後補肺散二方並見

錢京東轉運使李公孫入歲病嗽而喘滿短氣醫者言肺

經有熱用竹葉湯牛黃膏治之三日加喘錢氏云此肺氣

不足復有寒邪即便喘滿當補肺脾勿服寒藥李曰醫已

用竹葉湯牛黃膏錢曰何治也前醫曰退熱退涎錢曰何

熱之所作曰肺經熱而生嗽嗽久不除生涎錢曰本虛而

風寒所作何熱也若作肺熱何不治其肺而反調心蓋竹

葉湯牛黃膏治心藥也李師有慧色錢治愈

喘而氣盛為肺實

肺實則喘而氣盛瀉白散方見治虛實法
溫冷用藥○東都張氏孫九歲病肺熱咳嗽他醫以珠犀龍麝牛黃藥治之一月不愈其證咳嗽喘急悶亂飲水不正全不能食錢氏用史君子丸益黃散張曰本有熱何以又行溫藥他醫用涼藥攻之一月尚無效錢曰涼藥久則胃寒不能食小兒虛不能食當與補脾候飲食其效即瀉肺經病必愈矣服補脾藥二日其子欲飲食錢以瀉白散瀉肺遂愈張曰何以不虛錢曰先實其脾然後瀉肺故不虛也

寒實

小兒結熱上氣喘者四順散一名清涼飲下

黃丹 砒霜
右各等製為末用羊肉為丸如麻子大每服三丸臨臥

痰美

冷茶下
丹痰嗽痰喘並用涌法吐之重劑用瓜蒂散輕劑用苦參赤小荳末須蝦蟇汁調服之

肺中風

世萬金丹治洋痰涎喘急方見瀉大通用
湯治肺中風多因嗽而始但服嗽藥不能散其風邪入於肺臟之絡其候喘急面色青黃目能認入口不能言醫不能明其證坐以待盡不亦陋乎紹興王尚書安伴老嫗得此病半月相繼而死庸醫俱不能識又張南軒亦得此疾而逝醫師滿自環視而立待盡余悔不得一見豈非天命也哉後有親接个哥之子病此症是時乃一氣之行諸醫皆言無術而退子父來告急但欲得別是何疾亦不望其活矣余往視之尚留殘喘以橘皮桑白皮豐粟殼三件煎湯化百部丸二服急灸肺腧其喘立定而忠尚言繼時索

診
自此生矣嗚呼是病有法不遇宗者多矣所深惜哉
索帝曰乳子中風熱喘鳴肩息者脈何如岐伯曰喘鳴肩
息者脈實大也緩則生急則死通評虛

馬脾風

暴喘而脹滿也

實熱
田暴喘俗傳為馬脾風也大小便硬宜急下之用牛黃奪
命散後用白虎湯平之

牛黃奪命散治小兒肺脹喘滿胸膈起急兩脇扇動陷下
作坑兩鼻竅張閃亂嗽喝聲嘎而不鳴痰涎潮塞俗去馬
脾風若不急治死在旦夕

白牽牛 各一兩半
黑牽牛 各一兩半
川大黃
檳榔 各一兩半
右為細末三歲兒每服二錢冷漿水調下涎多加膩粉

少許無時如蜜少許

無價散治風熱喘促悶亂不安俗謂之馬脾風

辰砂二分 輕粉伍分 甘遂麩裏煑焙一分半
右為細末每服一字用溫棗水少許入滴油一匙搽藥
在上沉下去却以漿水灌之立效

針灸
又一法小兒喘脹俗謂之馬脾風又謂之風喉者以草莖
量病兒手中指裏近掌紋至中指尖截斷如此二莖自乳
上微斜直立兩莖於額盡頭橫一莖兩頭盡頭點穴灸三
壯此法多言見愈

世馬脾風在百日內者不治

悲哭

心肺
本治小兒拗尖龍齒散

龍齒

蟾蜍去翅足

釣藤有鈞子者

羌活

茯苓

人參各等分

右為末每服一大錢煎六分去渣溫熱服

子和 一小兒悲音痛目不休兩手脈弦而緊戴人曰心火

甚則乘肺肺不受其屈故哭肺主悲王太僕云心燥則痛

甚故樂甚悲亦其先令浴以溫湯為形以為汗也肺主皮

毛汗出則肺熱散浴止而啼亦止矣仍命服涼膈散加當

歸桔梗以竹葉生薑枳殼同煎服瀉膈中之邪熱

錢 小兒驚啼邪熱乘心也當安心安神丸主之

丹 小兒驚然心大驚作聲者必死此火火發則虛其氣故

也

夜啼

大法

無 小兒夜啼有四証一曰寒二曰熱三曰重舌口瘡四曰
客忤寒則腹痛而啼面青白口有冷氣腹亦冷曲腰而啼

此寒證也熱則心躁而啼面赤小便赤口中熱腹煖啼時
或有汗仰身而啼此熱也若重舌口瘡要吮乳不得口到
乳上即啼身額皆微熱急取燈照口若無瘡舌必重也客
忤者見生人氣忤犯而啼也各隨證治之

曲腰面青白而啼為寒

田 五味子散治小兒夜啼及腹痛至夜輒劇狀似鬼祟

五味子

當歸

赤芍藥

白朮各半

茯神

陳皮

桂心

甘草各二

右為麤末水煎量兒大小加減

仰身面赤而啼為熱

錢 三黃丸治腹熱痛夜啼面赤唇焦便赤用入參湯吞下

無 燈花散治熱證心燥夜啼以燈花三四顆研細用燈心
煎湯調塗口中以乳汁送下日三服 一法用燈花塗乳

上令小兒吮之無燈花用燈心燒灰亦妙 又一法燈花
七枚鵬砂一字辰砂少許研細蜜調抹唇上立安

丹小兒夜啼

人參二分

黃連一分

甘草五分

竹葉研

生薑片

水煎服

澹寮龍齒散治小兒夜啼不止方見拘史即上本專有

世又方蟬蛻二七枚去足為末入硃砂一字蜜調送下

丹馬齒燒研細傳乳上吮之妙 小兒夜啼黃連薑汁炒

甘草竹葉煎服

口瘡重
舌夜啼

世治小兒夜啼青黛半錢細研清水調下

世蒲黃散治小兒重舌方見 牡蠣散治小兒口瘡方見

客忤夜
啼

治客忤夜啼法用本家厨下燒殘火柴頭一箇以火焦頭
為上朱書云吾是天上五雷公將來作神將能收夜啼兒

針灸

一縛永不放急急如太上老君律令勅書勿令兒知立
在牀下倚牀前脚裏立之男左女右效

瘡

熱痰

世通開散治小兒驚風已退只是聲啞不能言自藥不效
者以大天南星一箇炮為末每服一錢猪膽汁調下入喉
便能言語

鼻

表

丹治小兒赤鼻

雄黃

黃丹等分

用無根水調傳

或用菖蒲半葉酒蒸為末調服解毒無根水者天落
者是也

辛夷葉先焙乾

細辛

木通

白芷 木香各五 杏仁去皮尖
右為細末用杏仁泥羊骨髓猪脂各一兩同諸藥和勻於瓦右器中熬成膏赤黃色為度於地上放冷入腦麝各一錢拌勻每用少許塗額上并鼻中神效

龜背

熱 錢 肺熱腸滿攻於胸膈即成龜胸

聖治龜背方

大黃炒一 天門冬去心 百合 杏仁去皮尖
木通 桑白皮炙 甜葶藶炒 川朴硝各半
右為末煉蜜丸如芡實大溫水食後化下三歲已上化二九

丹治小兒龜背

蒼朮

黃栢酒炒

芍藥酒炒

陳皮

防風

山查

威靈仙

加當歸

又利後加生地黃

為末煉蜜丸食後溫水下

灸

田 小兒龜背緣肺熱脹滿攻胃膈所生又緣乳母食熱麵五辛轉更高起宜灸兩乳前各一寸五分上兩行三骨蹠間六處各三壯炷如小麥大春夏從下灸止秋冬從上灸下若不依此法十灸不愈一二也

龜背

雜方

錢 兒生下血風入脊遂於骨髓即成龜背治之以龜尿擦背骨取龜尿法當以蓮葉安龜在上後用鏡照之其尿自出

製

聖 小兒龜背由兒坐早有家風吹入脊骨而入於骨髓故使背高如龜之狀也雖有藥方多成癩疾以灸法為要當灸第三椎骨節下兩傍各一寸半肺腧穴又第五椎骨

節下兩傍各一寸半心膈穴又第七椎骨節下兩傍各一寸半膈膈穴以小兒中指節為一寸艾炷如小麥大三五壯即止此法便用十有二得效亦無全效之功
世龜背在百日內不治

治可去

湯治大腸虛弱肚門脫下

龍骨

訶子煨去核沒石子大者嬰粟殼醋去核

右為末白湯點服仍用蔥湯重洗令軟欵欵以手托入用新磚瓦一片燒紅以醋澆之氣上即用脚布疊數重壓定使熱氣上透不可過熱令病者以臀坐於布上如覺布濕遂旋撼之以常得溫熱為度并常服前藥
五倍子散治小兒脫肛

五倍子

地榆各等分

右為細末每服半錢或一錢空心米飲調下

敷法

赤石脂散治小兒因痢後努軀氣下推出肛門不入於

建反用力
努腹也

真赤石脂

伏龍肝各等分

右為細末每用五分傅肛頭上頻用按入

世治小兒脫肛用五倍子為末量多少按患處以物襯手

揉入切忌食發風毒物

田脫肛治法用蒲黃一兩猪脂二兩煉猪脂和蒲黃成膏

塗腸頭上即縮入

無水聖散治小兒脫肛不收用浮萍草不以多少秤為細

末乾貼患處

洗法

脫肛用東北方陳壁泥土湯泡先洗下後薰上又方見

脫囊條

針灸

四小兒脫肛瀉血秋深不痊灸龜尾一壯炷如小麥大春
端穹骨也 小兒脫肛者灸臍中三壯 小兒脫肛久不
瘥及風癩中風角弓反張多哭言語不擇死無時節盛即
吐沫者取百會一穴灸七壯在鼻直入髮際五寸頂中央
旋毛中可密豆炷如小麥大

明治久痢脫肛見刺門

脫肛痺

雜方

治小兒蛔虫攻下部痺取匾竹葉一握切以水一升煎
取五合去香空腹飲之虫即下用其汁煮粥亦佳鏡
治虫狀如蝸牛食下部痺取匾竹葉一握水一升煮熟五
歲兒空腹服五合隔宿不食明日早食之尤佳楊氏

腎主虛寒

解顛

顛填

行遲齒遲髮

遲 停耳

呵欠

額黑

唇青為寒

解顛

虛

丹小兒解顛乃是母氣血虛與熱多耳用四君子四物有
熱加酒炒黃連生甘草煎服外以綿束繫用白蘇末傅之

田解顛治法宜用生地散

錢解顛生下而顛不各者腎氣不成故也長必少笑更有
目白睛多眵白也瘦者多愁少喜也

湯解顛者顛大頭縫不各如開解故曰解顛此由腎氣不
成故也腎主骨髓而腦為髓海腎氣不成則腦髓不足故

不能各也凡得此者不過千日其間亦有數歲者乃廢人

也人之無腦髓如木無根古人雖有良方吾所以不錄者

勞而無功也亦不可束手待斃宜依錢氏補腎萬一有可

生之理補腎地黃丸

天南星散治顛開不各鼻塞不通天南星大者微泡去

藥

醫方類聚卷之...

後為細末，醋塗調，緋帛上貼，顛上灸，手頻髮之，立效。
三辛散治小兒骨應谷而不合，頭骨開也，名曰解顛。

細辛 桂心 乾薑 各半

右為末，以薑汁和，傳顛上貼之，兒面赤即愈。

又方用蛇蛻炒焦為末，用猪頰車中髓調，傳頂上，且三四度，曾有久作頭巾，裹遮護之，久而自合，亦良法也。

針灸 明顛門不谷 睛上睛下各五分 二穴各灸三壯 灸瘡未發先灸

世父精不足則解顛眼白多

診 湯氏小兒顛填其顛高大如物，填在上汗出毛髮黃而短，是也。若寒氣上衝則牛鞞，頭起腫硬熱氣上衝則柔軟，又小兒臟腑積熱氣上衝於腦，亦致顛填，而又肝氣盛風熱衝上而成此候也。王環集歌曰：顛門腫起定為風，此候

應須也不中，或若加玩如蓋足，七日之間命必終。

行遲齒遲髮遲

虛 湯小兒稟受血氣不足者，則髓不滿骨，故軟弱而不能行，腎主髓，治法當用錢氏補腎地黃丸，加鹿茸五加皮麋香，則髓生而骨強，自然行矣。外甥黃野知錄之子三歲不能行，遂合此方服之，有驗。

行遲 無五加皮散治小兒三歲不能行者，由受氣不足，體力虛怯，腰脊脚膝筋骨軟，是故不能行，用真五加皮為末，粥飲調次入好酒少許，每服一栗殼許，日三服，效。

錢羚羊角丸補腎肝五六歲不能行

- 羚羊角 虎脛骨醋炙 桂枝 生地
- 黃芪 防風 當歸 白茯苓
- 酸枣仁炒各等分

齒遲

右為細末蜜丸皂子大食後溫水化下久服取效
湯芎黃散治小兒齒不生

大川芎

生地略半

山藥

當歸

甘草各一分

右焙為末熱湯調服用搽齒脚

髮遲

本尿坑中竹木主小兒齒不生正旦刮屑塗之即生
湯香薰煎治小兒白禿不生髮燥痛

陳香薰二兩

胡粉一分

猪脂半兩

右用永一太盞煎香薰取汁三分去渣入胡粉猪脂相
和合勻塗於頭上日頓用之

用治小兒頭生白禿髮不生用椿楸樹葉心取汁傳之大

診

錢小兒長大不行行則脚細齒久不生則不固髮久不

生生則不黑皆屬氣血虛也宜大劑補之

停耳

雜

田紅玉散治小兒膿耳

枯白礬

乾臘脂

麝香各一分

右同研勻先以綿裹於耳擦淨搽之

湯龍黃散治小兒停耳汁出不止

枯白礬

龍骨末

黃丹炒各半兩

麝香一分

右同研細先以綿杖子搥膿水盡用散一字半分為兩
處吹入耳內日二次

丹停耳確黃末傳之日一夜一妙

秘要用蚰蟥灰末吹入立效有瘡者傳之孫真人方同

呵欠

診

呵欠面赤者風熱也

面青者驚風也

面黃者脾虛驚

也。多睡者內熱也。氣熱者傷風也。

額黑唇青為寒

寒
補陽湯初冬間一小時二歲太寒，證明堂青脈額上青，黑腦後青絡高起，唇青舌上白滑喉鳴而喘，大便微青耳尖冷，眼澁常常淚下出，仍多眵，胃中不利臥而多驚，無搖即寒。

柴胡紅

升麻紅

麻黃紅

吳茱萸分五

地龍紅

蝎稍分

生地分五

歸身紅

甘草分一

黃芪分二

黃柏分一

陳皮分一

葛根

連翹分一

右為釐末，作二服水，下盞煎法如常，乳食後熱服，始漸喜睡，精神出氣和順，乳食旺。

診
血氣虛快為冷，所乘則唇青。

雜病

寒熱

瘧

繼病

五硬五軟

食積

湯食積寒熱如瘧，渴瀉氣急，要令地臥，此候先當取積。

只用乎胃散，次常服進食丸。乎胃散方見木人泄，進食丸方見瘧。

錢曹宜德子三歲面黃，時發寒熱，不欲食而飲水，及乳不

正，衆醫以為潮熱，用牛黃丸不愈，及以止瀉，乾葛散服之，

反吐，錢曰：當以白餅子下之，後補脾，乃以消積丸磨之，此

乃解也。後果愈，何以故？不食但飲水者，食伏於脾內，不能

消，致令發寒熱，用止瀉藥吐者，藥衝脾故也。故下之，即愈。

實熱

子和高巡檢子八歲病熱，醫者皆為傷冷，治之以熱藥，欲

飲水，水禁而不與，內水涸渴，煩躁轉生，前後皆閉，口鼻俱

乾，寒熱往來咳嗽，時作遍身無汗，又欲多之，適遇戴人戴

人責其母曰：重衲厚被，煖炕紅爐，兒已不勝其熱，尚可矣。

平其母謝以不明戴人令先服入參柴胡飲子連進數服
下爛魚腸之類臭氣異常渴欲飲水聽其所欲冰雪冷水
連進數林節次又下三四十行太熱方去又與通膈丸牛
黃丸復下十餘行兒方大痊前後約五十餘行畧計所用
水雪水飲至一斛向灸之當何如哉

瘡

治小兒瘡疾多與大人同法以出汗為瘡宜桂枝柴胡麻
黃參苓等藥又視其病食病痰以意消息之大抵多是飲
食未節得之須以消導為先可也

濕痰
萬金丹治大人小兒瘡并哮喘急黑豈四十九粒
信一錢先以黑豆浸去皮端午日以乳鉢研細拌勻作天
小丸之黃丹為衣陰乾冷茶清吞一丸治瘡空心牛
花水吞一丸忌熱物電腥一日如食熱物即吐

寒熱

湯治痛瘧但熱不寒方用黃丹煨通紅臨發蜜湯調下能
飲酒用酒調一法專服小柴胡湯次服入參前胡湯
草果飲治寒多熱少手足厥冷遍身浮腫肚腹疼痛

- 厚朴薑 青皮 藜蘆 藿香
- 甘草炙 丁皮 神麴 良薑

半夏麴 等分吹咀薑蔥煎空心服

- 秦庄 柴胡 白朮 白茯苓
- 檳榔 常山 黃芩 甘草炙

右等分吹咀酒醋一半煎露一宿次日早取再溫瀘去
渣服陳舍人令嗣久瘧服驗

小柴胡湯 治小兒瘧疾往來寒熱

小兒人參 半夏 柴胡 黃芩

甘草各等分

右咬咀薑三片棗一枚煎服

青皮湯 治小兒瘧疾作浮腫兼寒熱不退飲食不進

白朮

茯苓

厚朴

青皮

陳皮

半夏

大腹皮

檳榔

三稜

蓬朮

木通

甘草各等分

右咬咀每服三錢薑水煎服

養胃湯 治外感風寒內傷生冷溫中快膈能辟中風障

氣寒瘧脾胃虛寒嘔逆惡心並宜服之

蒼朮

厚朴

半夏

藿香

草果

人參

茯苓

甘草

陳皮

久瘧

鬼哭散 止瘧疾久不愈者效

常山

大腹皮

白茯苓

鱉甲醋

右咬咀每服三錢桃柳枝各七寸同煎臨發時服畧吐

出涎效

鱉甲飲子 治瘧久不愈腹中結為癥瘕名曰瘧母

鱉甲醋

白朮

黃芩

草果

檳榔

芎藭

橘紅

甘草

厚朴

白芍藥各等分

右咬咀薑棗煎服

瘧浮腫

大腹皮湯 治小兒瘧疾用藥太早退熱變作浮腫外腎

腫大飲食不進

大腹皮

檳榔

三稜

蓬朮

決殼

蒼朮製各二兩

甘草三

右咬咀每服三錢加薑皮蘿蔔子同煎

四獸飲治五臟氣虛喜怒勞逸不節致陰陽相勝結聚

痰飲發為瘧疾兼治癰瘡

半夏

人參

茯苓

草果

陳皮各一兩

甘草二兩

右咬咀加烏梅棗子各一枚生薑三片每服三錢煎服

截

經效截瘧丹治瘧母結癖寒熱無已

真阿膠

湯泡研

椎黃各二兩

硃砂一兩

右研為細末稀糊丸如桐子大每服一九人參湯候冷

空心服瘡瘵桃枝湯冷服臨發時磨一九塗鼻口畔效

診

要畧瘡脈自弦弦數者多熱弦遲者多寒弦小緊者宜下
之弦遲者可溫之弦緊者可發汗浮大者可吐之弦數者

風發也以飲食消息宜之

脈瘡脈自弦微則為虛代散則死

針灸

明小兒瘡久不愈灸內庭在足大指次指外大椎一百

會各隨年化

繼病

雜方

海小兒疳病母有娠乳兒有病如瘡痢他日亦相繼腹大

或瘡或發他人相近亦能相繼北人未識其病懷妊者取

百勞鳥毛帶之又取其踢枝鞭小兒令速語鄭禮註云鴟

博勞也楚詞云在外見鴟鴞言其鳴惡也白澤圖云屋間

鬪不祥即百勞也以此治繼病本草云百勞味平有毒其

毛用之治小兒繼病

聖治小兒生十餘月後母又有妊令兒精神不爽身體萎

痺名為疳病用伏翼燒灰細研以粥飲調下五分日四五

服效若多令香熟嚼哺兒亦效即編

無千金論小兒有魘病者是娠婦被惡神導其胎中妬疾小兒令生此病魘亦小鬼也其證微微下利寒熱往來毫毛髮鬢鬢不悅者是也宜服龍膽湯凡婦人先有小兒未能行而母更有娠使兒飲此乳亦作魘也令兒黃瘦骨立發熱髮落又其母胎中妬疾小兒令生此病龍膽湯治嬰兒出腹血脈盛實寒熱溫壯四肢驚掣吐乳者若已能進哺中滿食不消壯熱及變蒸不解中客入鬼氣并諸驚癇方悉主之

龍膽草 柴胡 黃芩 桔梗
釣藤皮 芍藥 甘草炙 茯苓各二
蜣螂二枚 大黃煨一兩
右為剉散以水一升煮取五合為一劑十歲已下小兒

皆可服若兒生一日至七日分一合為二服八日至十五日分一合半為三服十六日至二十日分一合為三服二十日至三十日分三合為三服皆以得下即止此劑為出腹嬰兒所作若日月長大者亦依此為例必知客忤及有鬼氣者可加人參當歸各二錢半一百日兒加一錢一字二百日兒加二錢半一歲加半兩餘藥皆做此

診 海 生者為相繼 死者為傳尸 有脈而無氣謂之尸厥 有氣而無脈謂之行尸 丁奚露哺客忤無辜四異病也 陽易陰易百合狐惑四奇病也

診 五硬仰頭取氣動搖難氣壅疼連胸腹間脚手心如冰冷硬頭仰為風命不還

喫食如何，不長肌肉，少皮寬軟，自離莫教瀉痢，當時作靈藥，難醫，命必危。
五歲孩兒不肯行，脚軟氣羸，命不亨，細小不妨，榮衛氣長，犬須應肉，自生宜用參芪等藥，錢氏地黄丸治之。
右五硬即瘥之屬，經所謂暴強，直皆屬於風是也。
五軟即痿之屬，治見疳雜方條。

中風
補遺方
至寶丹療卒中急風不語，中惡氣絕，中諸物毒，暗風中熱，客毒陰陽二毒，山嵐瘴氣，毒蠱毒水毒，產後血暈，口鼻血出，惡血攻心，煩躁氣喘，吐逆難產，悶絕死胎，不下已上諸疾，並用童子小便一合，生薑香葱汁三五滴入於小便內，溫過，化下三九至五九，神效。又療心肺積熱，伏熱嘔吐，邪氣攻心，大腸風秘，神魂恍惚，頭目昏眩，眠睡不安，唇口乾燥，傷寒狂語，並皆療之。

烏犀角生研 朱砂飛研 雄黃研 玳瑁屑生研
琥珀研各一兩 麝香研 龍腦研各一分 金箔五十片半入藥
牛黃錢五 安息香半兩研
銀箔五十片
右將生犀玳瑁為細末，入餘藥，研勻，將安息香膏重湯

以無灰酒，撿澄飛過，濾去沙，七慢火熬成膏。

煮凝成後入諸藥中和搜成劑盛不津器中並旋丸如桐子大用人參湯化下三九至五九又療小兒諸癩急驚心熱卒中客忤不得眠睡煩躁風涎搐搦每二歲兒服二九人參湯化下

咳血

桂苓甘露飲

官桂

人參去

藿香各半

茯苓

白木

甘草炙

葛根

澤瀉

石膏

寒水石各一兩

滑石二兩

木香一分

消渴

右為細末每服一錢白湯下新水生姜湯亦可順氣散消中熱在胃而能飲食小便黃赤以此下之不可多利微微利至不欲食而愈

朴硝製

大黃四錢

枳實二錢

右咬咀每服八錢水一盞煎八分去渣通口服

滯下

膠艾湯治衝任虛損月水過多及妊娠胎動不安男子腰痛下墜

阿膠炒

川芎

甘草炙各二兩

當歸

艾葉微炒各三兩

白芍藥

熟地各四兩

右剉每服五錢水一盞酒六分煎至八分去滓稍熱服空心食前日三服甚者連夜併服

滯下

震靈丹此丹不犯金石飛走有性之藥不借不燥奪造化中和之功大治男子真元裏遺五勞七傷臍腹冷疼肢體酸痛上盛下虛頭目暈眩心神恍惚血氣衰微及中風癱緩手足不遂筋骨拘攣腰膝沉重容枯肌瘦目暗且聾口苦舌乾飲食無味心腎不足精滑夢遺膀胱疝墜小腸淋瀝夜多盜汗久瀉久痢嘔吐不食八風五痺一切沉寒痼冷服之如神及治婦人血氣不足崩漏虛損帶下久冷胎

藏無字服之無不愈者

禹餘糧火煨 紫石英

赤石脂

代赭石法如上

用○已上四味並作小塊入自錫內益法四宿候乾

乳香研

五靈脂去沙

沒藥去石研 朱砂水飛過

右件前後共八味並為細末以糯米粉煮糊為丸如小

雞頭大晒乾每丁粒空心溫酒下冷水亦得常服鎮心

神駐顏色溫脾胃理腰膝除尸疰蠱毒辟鬼魅邪瘴久

服輕身忌猪羊血熱減藥力婦人醋湯下孕婦不可服

極有神效

滯下

駐車丸治一切下痢無問新久及冷熱膿血腸滑裏急日

夜無度臍腹絞痛不可忍者

阿膠搗碎炒如珠子為末

當歸去芦各十五兩

黃連去心

乾姜炮

右為細末以阿膠膏和併手丸如桐子大每服三十丸

食前溫米飲下日三服

小兒服丸如麻子大更量歲

數如減

泄瀉 甘草乾姜湯 甘草四兩 乾姜二兩

暴厥 乾姜附子湯 乾姜一兩 附子一枚生用去皮

右一味水煎頓服

膚痛 茯苓丸治臂痛如神

赤茯苓

防風

細辛

白朮

澤瀉

官桂各半

瓜蒌根

紫菀

附子

黃芪

芍藥

甘草各三分

生地

牛膝酒

山芋

獨活

半夏酒

山茱萸各一

右十八味為細末煉蜜為丸如桐子大每服十九丸溫酒

送下食前

見血 當歸四逆加茱萸湯

當歸

桂枝

芍藥

細辛略一

通草

甘草各六錢

茱萸三錢

右水六盞煎服

小兒痘出不快 升麻葛根湯

升麻

葛根

芍藥

甘草等分

每服六錢水一盞半煎至八分去渣服寒多即熱服熱多即溫服

開胃丸治乾嘔氣逆不止

半夏微炒 人參一兩

白薤皮去

陳皮去白

白木各一兩

右為細末用生姜汁同東肉和丸如桐子大每服二十丸至三十丸不拘時用粥飲送下

小兒驚搐 辰砂丸

辰砂

麝香

牛黃各二錢半

半夏制

丁香

白附子

鐵粉

天麻

南星制各半兩

右為細末煮粳米飲丸如麻子大每服五丸用荆芥湯不拘時下

小兒驚搐 軟金丹又名不

治急慢驚風五疳瘵痰頭項動搖目睛

上視或牽引偏搐背脊強直或反折如弓口噤牙緊或屈指如數或溫吐連綿或服涼藥過多內生虛風或因傷寒變搐發渴或因吐痢生風為癇一切諸症乳食不化昏胃

不省凡此急候服之皆愈但不喘急者此藥必效如已喘
急者更須詳慮實者延實者可同水銀丸化下此二藥引
化驚涎則潮搐立止虛者但只服此藥即便服效如兒涎
熱風熱有諸驚症者服之即瘥

又治大人卒中風病涎潮不省此藥神聖救人不可具載

- 香墨各一全蝎三十丁香半錢蟾酥子大
- 牛黃另研丹砂飛雄黃飛生犀鎊研
- 半夏麴制天麻姜蚕炒木香
- 蝉殼洗焙史君子肉各一分囚果麴畏
- 天南星炮白附子炮各三錢膩粉一錢螺青一兩
- 水銀鉛各三錢半炒射香一錢龍腦半錢
- 白花蛇烏蛇各取頭後粗皮各一兩酒浸一宿去皮骨曬乾不見火
- 附子箇炮去皮蜈蚣二條赤足棋柳大二
- 脂虛者用之

原方有太羸虫二平五箇去殼本草無考

右逐旋入研細勻用不蛀皂筴一錢刮去皮弦以好酒
半升浸一宿揀去渣取汁入石腦油三錢銀石器內文
武火熬數沸放冷別煉蜜少許投內和諸藥得所大者
丸粟大小者皂子大以金銀為衣每服一丸金銀薄苛
湯化下涎實者同水銀丸化下量兒大小與服神效

水銀丸治急驚痰壅發搐閉亂口噤
水銀一分許同研至無星膩粉一錢南星炮裂- 全蝎微炒再研速肉為丸如黍米大每服五七丸
- 乳香湯化下無時量大小加減

太乙神精丹治疫癘霍亂腹痛脹滿尸在惡氣顛狂鬼語
蠱毒妖魅溫瘧但是一切惡毒無所不治

- 丹砂 曾青 雌黃 雄黃

磁石各四兩 金牙二兩

右六味各搗細下篩惟丹砂雌黃雄黃三味以醱醋浸
之曾青用好酒於銅器中漬紙密封訖日中曝百日經
憂急五日亦得無日以火煖之然後各研令如細粉以
醱醋拌使乾濕得所內土釜中以六一泥固濟勿令泄
氣乾後安鐵環施脚高一尺五寸置釜上以漸放火無
間軟硬炭等皆得初放火取熟兩秤炭各長四寸置釜
上待二分盡即益如此三度盡用熟火然後用益生炭
其過二上熟火已外皆須加火漸多及至一伏時其火
已欲近釜即便滿就釜下益炭經兩度即罷火盡極冷
然後出之其藥精飛化凝著釜上五色者上三色者次
下色者下但色光明皎潔如雪最佳若飛上不盡更令
與火如前以雄鷄翼掃取或多或少不定研和惠膏丸

如黍粒 治偏風大風惡疾癩癧癰鬼打等最良服
法平旦空腹一丸如黍米為度其瘡病積久百方不瘥
又加心腹脹滿上氣身面脚等並腫垂死者服一丸吐
即瘥亦有吐瘥者若不吐復不瘥者更服一丸半仍
不瘥者後日增半丸漸服無有不瘥氣亦定當吐出青
黃白物其因瘡兩脇下有癰塊者亦當消除若心腹不
脹滿者可與一丸日加之以知為度不必專須吐亦
可一丸即瘥勿併與服亦可三日一服皆須以意斟酌
量得其宜或腹內有水便即下者勿怪若患瘡日近精
神健亦可斟酌病人藥性併與兩丸作一丸頓服之皆
至午後食勿使冷勿使熱鼓腹粥任意食之若病瘡盜
汗虛弱者日服一丸至三白吐即止若患瘡不汗氣復
不流脚冷者服一丸至三白若不汗氣復脚即煖有潤

汗不至三日吐即止若患瘡無顏色者服藥後三日即有顏色亦有瀉吐差者亦有服少許而差者亦有殺藥強人服三四丸始覺藥行者凡人稟性不同不可一藥與之但作黍米大服之為始漸如以知為度藥力驗壯勿併多服特慎油麩魚肉蒜當清淨服之若有患以不瘥在牀羸瘦併腹脹痛及腫或下痢者多死但與藥救乏十人中或瘥三四人也又瘥痕積聚服三刀圭以飲漿水送下治諸卒死中惡客忤霍亂腹痛體帶五尸症惡風症忤大病相易死亡滅門狂癲鬼語已死氣絕心上微煖者扶起其頭按開口不可開琢去兩齒以漿飲送藥藥下即活諸久病者且服三刀圭覆令汗汗出即愈不愈者不過再服亦有不出汗而瘥復有不汗不愈者服如上法加半刀圭以瘥為度常以絳囊帶九刀圭者

男左女右小兒繫頭上辟瘴毒惡時氣射小兒患可
以苦酒和之塗方步紙上著兒心腹上令藥在上治之
亦有已死者冬二日夏一日與此藥服得藥下便活若
加金牙磁石者服至五服內必令人吐逆下利過此即
自定其藥如小豆大為始從此漸小不得更大太風惡
癩可二十服偏風癱瘓諸惡風癩病等亦可二十服自
餘諸惡病者皆止一二服量入輕重強弱不得多與若
欲解殺藥但爛煮食肥猪肉服此藥後小應頭痛身熱
一二日來大不能得食味後自漸得氣味五日後便能
食若食食過多者宜節之若服藥下悶亂可煮木防已
湯服之即定凡言刀圭者以六粟為三刀圭一說云三
小豆為三刀圭

作土釜法

其法取兩箇瓦盆受火斗許以甘土塗其內令極乾又作法作一瓦釜祇一熟鐵釜各受九升瓦在上鐵在下其狀大小隨藥多少不必依此說作六一泥法

赤石脂 牡礪 滑石 礬石

黃礬 鹵土 蚯蚓屎各二

右取醱酢以足為度若無鹵土以鹽代之先作甘土泥以泥各別裹前黃礬等五種作團裹之勿令泄氣以火燒周二日最好一日亦得出火破團取藥各搗碎絹篩然後典蚯蚓屎鹵土等分以酢和之如稠粥既得好酢可用二分酢一分水和用取前瓦盆以此泥塗之自青如蚯蚓屎如黃連律世少此者好買崑崙亦得瘧病丹砂亦少粟砂亦得自不用磁石金牙今加之用治万

種惡風神良凡有患連年積歲不可治者宜須合此劑皆以王相日天晴明齋戒沐浴如法合之

述曰古之仙者以此救俗特為至秘余以太業年中數以合和而苦雄黃曾青難得後於蜀中遇雄黃大賊又於飛鳥玄武大獲曾青蜀人不識今須識者隨其大小但作蚯蚓屎者即是如此千金可求遂於蜀縣魏家合成一釜以之治病神驗不可論宿癥風氣百日服者皆得痊愈故叙而述焉 凡雄黃皆以油煎九日九夜乃可入丹不爾有毒慎勿生用丹必熱毒不堪服宜慎之 出千金方

醫
方
卷
補
方

其治法...
 而...
 合...
 本...
 鮮...



聖
 聖

